

Testa Bu Kabésa pa COVID-19

Téstis fetu na káza é um manera rápidu y fásil di testa bu kabésa pa infeson. Mas testa bu própi kabésa pode ka ser ton bon sima ku un prufisional formádu. Pur favor lé kel folhetu li ántis di bu testa bu kabésa. Sirtifika ma bu ta sigi tudu instruson di kit di tésti izátamenti sima ta fla.

Si bu for kontáktu prósimu di un pisoa ki testa puzitivu pa COVID-19, bu ka pode uza un tésti fetu na káza po sai di kuarenténa. Kontáktu prósimu signífika ma bu stivi na ménus ki 2 métru di un algen ki tene COVID-19 pa más du ki 15 minutu na un priudu di 24 óra. Bai un lugar di faze tésti ki sta indikádu dibáxu.

Si bu ten un rizultádu puzitivu na un tésti kazeru:

- Txoma pa Linha di Informason sobri COVID-19 di Dipartaméntu di Saúdi d Rhode Island na **401-222-8022** y klika na 6 pa bu kumunika bu rizultádu puzitivu. Linha di Informason sobri COVID-19 ta sta abértu dias di simána di 8.30 palmanhan ti 7 óra noti y na fin di simána di 8.30 palmanhan ti 4.30 di tárdi.
- Izula (fika na káza) y fika lonji di otus pisoa. Uza máskara si bu ka tiver komu fika lonji di otus pisoa undi ki bu ta mora.
- Pa más informason sobri kuzé ki bu debe faze dispôs ki bu testa puzitivu, vizita covid.ri.gov/whattodo (només Anglès).

Si bu tene sintómas y bu tiver un rizultádu nigativu na un tésti kazeru, faze un tésti PCR ki ta prusesádu na laboratóriu pa garanti ma rizultádu di bu própi tésti sta sértu. Vizita covid.ri.gov/testing pa átxa un lugar di faze tésti pertu bo, ô pa bu sabe módi ki bu ta faze un markason (només Anglès).

- Bu pode márka pa bu faze un tésti di COVID-19 na un lugar di Stádu online na portal.ri.gov ô txoma pa **401-222-8022**. Tanbé bu pode txoma pa **2-1-1** si bu meste fala ku algen ki ta papia otu lingua. Téstis na lugáris di faze tésti di Stádu é di grása y bu ka meste ten siguru di saúdi.
- Txoma pa bu farmásia ô klinika lukal pa bu sabe módi ki bu ta faze un markason pa faze tésti di COVID-19. Alguns farmásia y klinika pode kobra un taxa pa faze tésti ô sirvisus rilasionádu.

Si bu tene sintómas di COVID-19, mésmu si dja bu sta vasinádu, izula di otus algen y fika na káza ti ki tudu bus sintómas dja pasa.

Ka bu bai pa trabádjy nen pa skóla y ka bu fika djuntu ku otus pisoas inkuantu bu stiver duenti. Pa más informason sobri kuzé ki bu debe faze óras ki bu sta ku sintómas di COVID-19, vizita covid.ri.gov/whattodo (només Anglès).

11/19/2021